

كشفاًئيل

(ألف ليلة وليلة)



# كشفاً ئيل

(ألف ليلة وليلة)

رواية

سامرة محمد خميس



# إِهْدَاءً

إلى قلوب لم أر لها مثيلاً في الوجود

إلى من أكرمهم حباً بلا حدود

الأول قلب أمي، أجمل نساء العالم وأطيب خلق الرحمه، الحضه

الذي فارقتي ولكننهما دوماً بقلبي ولسه تفارقتي، رحمتك الله غاليتي.

الثاني قلب أبي، اسمك وسام على صدري أتباهي به طوال

عمري، منبع قوتي، ماء يروي حياتي.

يكفيني من الدنيا أن تكون بها؛ تحيطني بخوفك واهتمامك

وجنانك.

أدامك الله لي سنوات عديدة.





بلغني أيها القارئ العزيز، وبعيدًا عن أساطير زينا وهرقليز، إن كنت تشعر اليوم بالضيق والحزن والأسف فلتقرأ معي تلك السطور التي تروي قصة حب ولكن بشكل مختلف.

دائمًا ما نبحث عن الحب الحقيقي بين أرفف الكتب، بين الخواطر المدونة في الأوراق؛ لأنها لا يشوبها زيف الواقع وما نراه من كذب. وهنا من آخر رفِّ مصطفىِّ عليه الكثير من المجلدات أمسكت بكتابٍ مليء بالغبار؛ متهاك الأوراق يحوي بين طياته قصة من عصر قديم وزمن فات.

فهيّا الآن عزيزي القارئ أحضر كوبًا من مشروبك الساخن وفي هدوء وعلى ضوء خافت دعنا نبحر سويًا في عالم الجن والأحلام وصراع العشق والانتقام.

أتمنى لكم قراءة ممتعة

سارة خميس



# كشائيل (ألف ليلة وليلة)



هنا تحت الأرض تعيش عشيرة الجن السفلي... عالم الجحيم والرعب..  
ها هو ملك الجان كشفاثلل يجلس على عرشه متدمرًا فهناك أمر ما  
يشغله وجعله شديد الغضب... أمر الخدم بإحضار ولده ميمون وهو أكبر  
أبناء ملك الجان وكان أكثرهم ذكاءً وكان متمردًا عليهم جميعًا حتى إنه لم  
يكن يريد أن يظهر أبدًا بهيئة الجن البشعة مثل باقي عشيرته فكان يتجسد  
دائمًا في صورة أشد أكثر الرجال وسامة على سطح الأرض ...

بشرته بيضاء وعيناه واسعتان لونهما أسود، وشعره ناعم ويصل إلى  
كتفه وكان طويل القامة، عريض الأكتاف... يهبر أي إنسان من الممكن أن  
يراه على سطح الأرض .

كان ميمون يبغض أفعال الجن مع الإنسان من اغتصاب وقتل وأكل  
لحومهم، وكان لا يشارك أبدًا في مثل تلك الأفعال؛ مما جعل والده دائمًا  
شديد الغضب منه ولكن اليوم هناك أمر أكبر جعله في قمة غضبه.  
دخل ميمون القاعة التي يجلس بها كشفاثلل وما إن رآه والده حتى  
صاح فيه:

- ميمووووووون.. إنت برضه مش ناوي تغير شكلك الإنسي ده؟  
ميمون: لا مش هغيره ودا شكلي اللي بحبه.. إنتوا عاجبكم مناظركم  
البشعة دي؟!

ملك الجان: أنا مش فاهم أنت ازاي جن مننا، لولا إنك ابني كنت  
شكيت.. هتفضل تعصى أوامري لحد إمتى؟  
ميمون: لحد ما تبطلوا أفعالكم مع البني آدمين.



نظر إليه والده نظرة خبث وضيق من عينيه للحظات ثم قال:  
- طبعًا طبعًا بتكلم جد.. بس دا لو هي وافقت تكون مننا وتشوف  
حياتنا دي وتتقبل أشكالنا دي في كل وقت، لازم تكون زينا.  
ابتسم ميمون وقال:  
- أنا متأكد إنها هتوافق... عندها استعداد تعمل أي شيء علشانني مهما  
كان وهتكون مطمئة في وجودها معايا حتى لو تحت الأرض.  
كان غيظ كشفاييل يزداد من كلام ولده فقال متمرًا له:  
- خلاص هسيب لك فرصة لحد بكرة بالليل تكون موجود عندي إنت  
وهي وأشوف رأيها إيه في وجودها معانا، وهيبان إن كانت تستاهل إنها تنول  
شرف وجودها هنا وتعيش في مملكة الجن الأعظم وتحت رعاية الملك  
كشفاييل.

## قمر تنتظر "ميمون"



ليس أمام ميمون سوى يوم واحد يقنع فيه حبيبته بأن تعيش معه أسفل الأرض مع عشيرة الجن، يوم واحد يحدد مصير حبهما وارتباطهما القوي؛ فكيف له أن يطمئن قلبها وأن يثبت لها أنها ستكون في مأمن وهي تعيش حياة مختلفة وسط عشيرة الجن السفلي؟

هنا في غرفة بقصر كبير يقع في مكان هادئ تحيطه الزهور والأشجار من جميع الاتجاهات جلست فتاة سبحان من أبدع وصور في جمالها... شعرها سلاسل من ذهب... لامع كالنجوم، وعيناها زرقاوان كلون البحر وبشرتها بيضاء كلون الحليب... إنها "قمر".

كانت تجلس على كرسي مزخرف بالذهب بجوار نافذة تنظر مترقبة وكأنها تنتظر أحداً ما، حتى ملت من الانتظار فتوجهت إلى طاولة كبيرة عليها مرآة ضخمة وكان عليها مجموعة من العطور وبعض مساحيق التجميل... أمسكت قمر بزجاجة عطر وقالت: "أنا عارفة إنك بتحب النوع دا بالذات وعلشان كدا هحطلك منه".

وأخذت ترش العطر على رقبتها وعلى جسدها ثم أمسكت بفرشاة خاصة بالتجميل لتزين وجهها قليلاً، وما إن أمسكت الفرشاة حتى سمعت صوتاً هادئاً يأتي من خلفها ويقول:

- إنتي عارفة إنك جميلة من غير حاجة وأنا بحبك زي مانتي وبحب أشوفك على طبيعتك..... إنتي حبيبتي قمر، إنتي نبض قلبي وسكن روحي.

التفتت قمر تجاه الصوت بسرعة وكان قلبها يخفق بشدة حتى كاد يخرج من صدرها ثم ركضت مسرعة إليه... إنه ميمون... كان يقف أمامها في قمة وسامته.. فاتحاً ذراعيه لها، فارتمت قمر بين أحضانها وضمته بشدة وأخذت تنظر إلى عينيهِ من فرط شوقها وقالت:

- إتأخرت ليه يا حبيبي؟.. أنا مستنيك من بدري.. كنت خايفة ما تجيش... أنا بستنى اللحظة اللي بتجمعنا سوا وبتوحشني حتى وأنت قصاد عيني.. إوعى تغيب عني حبيبي.

قبل ميمون جبهتها برقة وحنانٍ وقال:

- أنا مقدرش أغيب عنك ولا أقدر أقعد يوم واحد من غير ما أشوفك. وضمّهما بشدة لتقترب منه أكثر، ثم خيم الصمت على المكان وكأنهما في عالم آخر...

تعجبت قمر من صمته الليلة فأبعدته عنها قليلاً وقالت مندهشة:

- في إيه يا حبيبي؟؟ ما لك؟؟ ساكت ليه مش زي ما متعودة منك!! تلعثم ميمون فلا يدري كيف له أن يصارحها بما أمر به والده ولكن لا مفر من ذلك ويجب أن تأخذ قمر القرار بأسرع وقت؛ فتحدث بصوت رخيم:

- قمر... إنتي بتثقي فيا أوي صح؟

قمر: إنت لسا بتسأل بعد كل ده؟... طبعاً بثق فيك وأكثر من نفسي كمان... أنا ما ليش غيرك يا ميمون بعد موت بابا وماما وبعد ما غدر بيا عمي وابنه وسرقتهم لورثي اللي سابه بابا علشاني ورموني في الشارع لكل من هبّ ودبّ ينهش فيا، ونمت أيام جعانة وعريانة في البرد وكنت هموت

لحد ما أنت جيت لي وأنقذتني من شر البني آدمين ومن البرد والجوع وعملت لي القصر دا ليا لوحدي وعيشتني ملكة معاك، عوضتني عن الحرمان، ما بخلتس عليا بحبك ولا بحنيتك؛ يكفيني إن لما بتضمني بين إيديك بحس براحة وبأمان عمري ما حسيته قبل كده، ولا هحس بيه أبدًا غير وأنا معاك، بعد كل دا بتسألني بثق فيك ولا لأ؟

ميمون: يعني لو طلبت منك أي حاجة هتعملها؟  
قمر: وأنا مغمضة كمان يا قلبي.

ميمون: طيب بما إنك طمنتيني كده؛ أنا إتشجعت أطلب منك حاجة صعبة وجديدة عليك وأتمنى إنك ما تخافيش من اللي هقوله، إسمعيني كويس... كشفاييل والدي عرف إني متجوزك.. وعرف قد إيه أنا بحبك وصعب أتنازل عن وجودك معايا، وإني لما بختفي بكون على الأرض هنا وفي حضنك؛ أكيد خدامه على الأرض بلغوه؛ والدي سلطته كبيرة والكل بيعمل له ألف حساب، ولما وصل له الخبر وعرف اللي حصل بينا قال علشان يوافق على علاقتنا سوا لازم تنزلي تعيشي معانا تحت الأرض وتبقي من ضمن عشيرة الجن يا إما هيحبسني ويسلسلني ومش هقدر أشوفك للأبد؛ ويا عالم كمان ممكن وقتها يعمل فيكي إيه؟ قلت إيه يا قمر؟

قمر: عشيرة الجن!!... أنا أبقى منهم... بس.... إزاي؟... هو ينفع أعيش معاكم عادي؟

ميمون: أنا مقدرش أجبرك على حاجة إنتي مش عايزاها بس للأسف لو رفضتي صعب أقدر أشوفك تاني.

## كشفايل

ضمته قمر بشدة بين أحضانها وقالت عازمة الأمر وبدون تفكير:  
- أنا جاية معاك... أنا استحالة أسيبك لحد ما أموت وهعيش معاك  
حتى ولو في الجحيم؛ بس قولي بقى كلهم هناك حلوين كدا زيك والبنات  
هناك عاملين ازاى؟؟ يعني هفضل طول الوقت أتخانق معاك بسبب غيرتي  
عليك منهم؟

ضحك ميمون وقال:

- لا يا ست البنات ما تقلقيش أنا لو كان عاجبني حد منهم ما كنتش  
اخترتك إنتي وحببتك إنتي وجازفت بوجودك معايا؛ لكن.....  
قمر: لكن إيه حبيبي!!

ميمون في حزن: باقي عشيرتي مش شكلي خالص ممكن تخافي منهم في  
الأول لحد ما تتعودي على شكلهم؛ أنا بس الوحيد اللي شكلي مختلف؛ ما  
تنسيش إني جني وأقدر أكون زي مانا عايز وأقدر كمان أظهر بشكل الجن  
الطبيعي بتاعنا.

قمر: يعني أفهم من كدا إن دا مش شكلك الحقيقي؟  
ارتبك ميمون:

- قمر إنتي أول مرة تسأليني السؤال ده؛ عمومًا أنا نفسي مش عارف  
ليه دا الشكل الوحيد اللي تقمصته وكان سهل عليا وحببته ومش عايز  
أغيره أبدًا، وعمومًا لو خايقة مني أو خايقة تعيشي معايا تحت الأرض  
الموضوع لسا في إيدك وممكن تغيري رأيك.

ضمته قمر بشدة وقالت في حنان:

- ميمون إوعى تكون زعلت مني أنا بسألك كنوع من الفضول لكن أنا  
تحت أي ظرف ومهما كان شكلك أنا حبيتك بقلبي مش بعيوني ووعد مني  
هفضل معاك لأخريوم في عمري مهما شوفت أو مهما كنت.  
ابتسم ميمون ابتسامة عريضة وقبّلها بشدة وظل جالسًا معها لوقتٍ  
طويلٍ حتى اقترب شروق الشمس وتركها على أن يأتها ليلاً ليأخذها معه  
لعشيرة الجن.

## مكر كشائيل





ملمون: مناسبة إله؟.

كشفاثل: ليله اكتمال القمر واتحاد كبار عشيرة الجن وكله موجود  
وفي انتظار الابن الأكبر لملك الجان إنه يقدم قربان، ها جهزت قربانك يا  
حضرة العاشق ولا مش في بالك أصلاً؟

ملمون: آآآ والمطلوب إني أقدم قربان... حاضر ماشي هجيبلكم أضخم  
ثور وأذبحه؛ بس خلينا في الأهم دلوقتي وأي شيء تاني مقدور عليه.

وفجأة وكأن الهواء ينشق ويظهر منه باب ويفتح الباب لتظهر منه قمر  
تطل عليهما بنور جمالها، كانت تركز عينها على ملمون مبتسمة له ولكن  
قلها يخفق بشدة؛ وفجأة أدارت وجهها في اتجاه ملك الجان كشفاثل وكان  
ينظر إليها بشكل مرعب بعينه الحمراءوين؛ فلم تتمالك نفسها وأخذت  
تصرخ بشدة وتنظر للجميع وتصرخ بصوت عالٍ يدوي في القاعة كلها، وكان  
الجميع يضحك ويسخر منها.

انهارت قمر وضمها ملمون إلى صدره وهو يطمئنها:

- حبيبتي ما تخافيش أنا هنا معاكي وما حدش هيقدر يعمل لك حاجة  
وأنا جنبك.. و لو عايزة ترجعي هرجعك حالاً، بس علشان خاطري إهدي  
واطمني أنا هنا جنبك.

رفعت قمر رأسها وهي ترتجف ونظرت لملمون بعيون تملؤها الدموع

وقالت:

- لأ يا ملمون... أنا هكمل معاك مهما شوفت... المهم إنك معايا

وبتحميني.



## ميمون في السجن



صرخ ميمون وهو ينادي على قمر حبيبة قلبه ويراهها أمام عينيه وقد  
قُطع رأسها وكل جزء منها في اتجاه؛ وسالت دماؤها لتملاً المكان وسط  
صباح الجميع.

جاء بها إلى المملكة ليرى نهايتها أمام عينيه... وثقت فيه وسلمها بيده إلى  
ناحرها.

هلل الجميع فرحين بالقربان... أما ميمون فكان يجثو على ركبتيه يبكي  
على ضياع حبيبة قلبه وزوجته الغالية قمر.

ثم فجأة رفع عينيه ناظرًا إلى ذلك الدميم كشفاييل وأسرع تجاهه  
وأمسك بسيفه ليقتله وعندما رآه كشفاييل أشار بإصبعه تجاهه فالتف  
سلسال من نار حول جسد ميمون.. فأخذ يصرخ ويزار كالأسد ويحاول بكل  
قوته أن يحل السلاسل من على جسده دون فائدة.

ثم صاح كشفاييل فيه:

- عايز تقتلني علشان حنة إنسية؟... تقتل ملك الجان؟... إنت فاكر إن  
سيفك دا ممكن يقتلني؟ هههههه... بعد اللي عملته ده إنت منبوذ ومش من  
ضمن أولادي...

صرخ ميمون وقال بصوت كله نحيب:

- وأنت استحالة تكون أبويا... أنا مش عارف ازاي صدقتك؛ ازاي  
أمنتك برغم إني كان مفروض أتوقع غدرك؛ إنت حرمتني من حبيبي  
وقتلها قدام عيني... اقتلني أكرملك؛ علشان لو ما قتلتنيش أنا هعمل  
المستحيل علشان أقضي عليك.

## كشفايل

غضب ملك الجان كثيراً وشعر بالإهانة أمام العشييرة فصاح بصوت عالٍ:

- خدوووووه وحطوه في زنزانة طول حياته... خليه يتعذب كل يوم... لو قتلته هيرتاح وأنا عايزه يكون عبرة لأي حد يحاول يخرج عن قوانيننا ويعصي ملك الجان؛ ومن النهاردة ابني ملموم هو كبير أبنائي؛ خدوووووه من قدامي حالاً.

سحب الخدم "ميمون" على الأرض وهو يصيح:

- احبسوني... مش هسيبه.. هقتلك يا كشفايل.. هقتلك.

وضع الخدم "ميمون" في زنزانة في آخر مكان للمملكة لا يصل أحد إليه غير كبير الحرس، ولا يعلم طريقها غير بعض الخدم الأقوياء الذين عيّنهم كشفايل لنفي كل من يخالف أوامرهم إلى الأبد بتلك الزنازين.

جلس ميمون يبكي في زنزانه وحيداً وهو يتذكر كل لحظة كان يقضيها مع حبيبة قلبه قمر، ويشعر بالذنب لأنه تسبب في قتلها ولم يستطع حمايتها كما وعدها؛ تذكر خوفها ورعشتها وهي تحتفي به؛ تذكر ضعفه وقلة حيلته؛ حتى إنه أصبح عاجزاً عن الانتقام.

مرت عدة أشهر وكان ميمون لا يكف عن البكاء وكان يحضر له الطعام أحد كبار الجن الذي كان يرأف بحال ميمون كثيراً وكان يتمنى أن يستطيع مساعدته بأي شكل ولكنه كان يخشى أن يقتله كشفايل فكان يلتزم الصمت وبدخله كل الحزن والأسى على حال ميمون.

في ذلك اليوم فتح الخادم الزنزانة ووجد الطعام كما هو فنظر إلى ميمون بحزنٍ وقال:

- إنت برضه مش راضي تاكل؟.... هتفضل عايش كده؟... هيفيدك بإيه البكا والنحيب؟

بكي ميمون وقال للخادم:

- عايش!! هو أنا كدا عايش!! أنا ميت من وقت ما فارقت قمر، أنا مش عايز حاجة... ازاي والدي يعمل فيا أنا كده!! يا ريتني كنت قاسي زيكم... وطبعي زيكم... هو أنا ليه كده؟... ليه مش طابق أفعالكم؟ ليه مش بحب أضر أي حد؟... ليه بخاف من شكل الدم!! أنا طول الوقت حاسس إني بنتهي لمكان تاني وعالم تاني.

اقترب منه كبير الخدم وقال:

- ميمون لو قلت لك على سر ممكن تقوله لحد؟... إنت عارف إن أبوك ما بيرحمش.

انتبه ميمون لكلامه وقال:

- قول ما تخافش مش هقول لحد.

تردد الخادم فجأة وعزف عما أراد قوله وأغلق الزنزانة بشكلٍ سريعٍ ثم هرول بعيدًا.

صاح ميمون فيه وتعجب من رد فعله:

- إستنى.. أنت سايبني ورايح فين.. أنت أكيد تعرف حاجة ومخبيها من زمان؛ لازم تقولي الحقيقة؛ لازم أعرف كل حاجة؛ تعالي أرجوووووك. أرجوك إرجع.....

## كشفايل

ثم انهار ميمون وأخذ يفكر: "تُرى ما هو السر الذي يخشى أن يقوله الخادم؟".

انتظر ميمون في اليوم التالي مترقبًا حضور الخادم؛ حتى يستطيع استجوابه مرة أخرى.

يمر الوقت بطيئاً وميمون يتحرك في كل ركن في الزنزانة ومن حين لآخر ينظر لنهاية الرواق أمامه أملاً في قدوم الخادم، وبعد ساعات من الانتظار ها هو الخادم قادم حاملاً إليه طعامه اليومي.

وقف ميمون ونظر إليه في غضب وكان الآخر يهرب بنظراته من عين ميمون.

قال ميمون بلهجة حادة:

- مش عايز ترفع عينك في عيني ليه؟؟ خايف من إيه؟

الخادم: أرجوك يا سيدنا سيبي؛ أنت عارف والدك وجبروته وممكن يعمل فيا إيه.

ميمون: أنا بقولك ما تخافش واستحالة يعرف أي شيء، دا وعد مني؛ بس ربحني وقولّي الحقيقة، أرجووك، أبوس إيدك.

قال الخادم وهو يمسك بميمون ويرفعه ليقف أمامه:

- العفو يا سيدنا ما تقولش كده، أنا اللي أبوس إيدك وخدامك، أنا هقولك كل حاجة، عارف إيه سر إنك مش زينا؟

قال ميمون في شغف: لبييه؟ رد بسرعة.. إتكلم؛ واطمن شرك في بير وكأنك مش هتقول حاجة.

الخادم: والدتك كانت من الجن العلوي... الجن الطيبين.. وكانت

جميلة، وقتها كان كشفاثيل أعلن الحرب على مملكة الجن العلوي وكنا أكبر في العدد وأقوى منهم بكثير؛ إحنا صعب علينا نقتحم المملكة عندهم علشان نقضي عليهم زي ما هما صعب عليهم يقتحموا مملكتنا فكنا بنتربص لأي حد منهم لحد ما يخرج برا المملكة وناخده أسير لحد ما أسرنا عدد كبير، ولما سمع كشفاثيل كلام كثير عن جمال والدتك وإن ما فيش مثيل لها في الكمال والجمال قرر يساوم كبير مملكة الجن العلوي بتسليم الأميرة والدتك مقابل الأسرى اللي عنده يا إما هيحرقهم كلهم، كبير الجان رفض بشدة أنه يسلمه الأميرة ولكن والدتك كانت طيبة وبتخاف على كل رعاياها أكثر من نفسها فقررت إنها تخرج من المملكة من غير علم كبير الجان وتسلم نفسها لكشفاثيل.

صمت الخادم قليلاً ثم صاح ميمون في وجهه:

- أكمل، ماذا حدث بعد ذلك؟

تنفس الخادم بشدةٍ وعاد ليكمل حديثه:

- كشفاثيل صعب أن يحترم أي وعود وأول ما شاف الأميرة جن جنونه بجمالها وأمرها بأنها توافق على الزواج منه، رفضت الأميرة وطلبت منه إعادة الأسرى، ولكن للأسف ساومها للمرة الثانية إنها لو رفضت الزواج منه هيحرقهم كلهم وما كنش قدامها غير إنها تخضع ليه وتوافق على الزواج الغريب ده.

ميمون: والأسرى سايم بعدها؟

ضحك الخادم ضحكة سخرية:

- طبعاً لأ، حرقهم كلهم بعد مراسم الزفاف وكان قبلها عندهم بشكل

## كشفاييل

بشع وطبعاً أخفى عن الأميرة اللي عمله ومنع أي اتصال بيها من مملكة الجن العلوي. كانت بتتعذب كل ما بيلمسها وبعد فترة أعلن كشفاييل خبر حمل والدتك فيك وكان عندها أمل إن وجودك يخفف عنها عذابها، فعلاً إتولدت بشكل مختلف، كنت أخذت كتير من صفاتها بس كنت تقدر في نفس الوقت تغير شكلك لهيئتنا لكن هي رفضت إنك تغير شكلك نهائي.

كشفاييل لقاها بترفض إنك تشوف إحنا بنعمل إيه أو إنه يعلمك إحنا ازاي بنخطف البشر وبنقدمهم قرايين وبناكلهم وأصرت على موقفها إنها مش عايزاك زينا وعايزاك زي الجن العلوي وعلشان كذا إنت متمسك بهيئتك دي وطبعك مختلف، فهمت؟

ميمون: كَمَل... فين والدتي دلوقتي؟؟ سجنها برضه؟

أدار الخادم وجهه بعيداً عن ميمون... فصاح فيه ميمون:

- بقولك كَمَل، أمي فييين؟

قال الخادم بصوت هادئ حزين:

- قتلها.

ميمون: إيه؟... قتلها؟... ليه؟

الخادم: كانت رافضة تماماً تسلمك ليه وفي يوم كان جايب قربان لبنت وولد يتيمين كانوا اليوم دا بيصرخوا جامد ويببكونا وإنهم سايبين في الشارع أخوهم رضيع لوحده في البرد... وفي أثناء الاحتفال وقبل تقديم القربان بساعة هربتهم ورجعتهم الأرض وأخفتهم في مكان بعيد... ولما سأل كشفاييل عن الفاعل ما حدش رد فأمر بقتل كل الخدم اللي كانوا مسؤولين عن حراستهم وهي علشان تحمهم اعترفت على نفسها فكان لازم يقتلها علشان برضه تكون عبرة لأي حد يخالف أوامر.



## حور والمرآة



بعد مائة عام في مكان ما على سطح الأرض تجلس فتاة في حديقة منزلها المكون من طابقين.. شاردة تمامًا، تتأمل الزهور والطيور التي تغرد حولها في كل مكان... ثم قطع تأملها صوت والدتها تنادي عليها:

- حووووور إنتي فين؟ يا حور تعالي هنا بسرعة.

رفعت حور شعرها الناعم الساقط على وجهها من فعل الرياح ونظرت في اتجاه الشرفة التي تقف فيها والدتها وقالت:

- أنا قاعدة هنا يا ماما... عايزة حاجة؟

والدتها: العريس وأهله زمانهم على وصول يا بنتي تعالي إجهزي وساعديني شوية.

ردت حور في ضيق: أووووف.. مش فاهمة أنا عريس إيه بس اللي إنتي وبابا مصرين عليه ده.

والدتها: بطلي لماضة وتعالي بقولك.

انتفضت حور من مقعدها وهي تتمتم بكلمات غريبة تعبر بها عن استيائها وعدم رضاها عن هذا الارتباط.

صعدت حور إلى غرفتها لتبدل ملابسها وارتدت فستانًا ورديًا من الحرير قصيرًا حتى ركبتها، وضعت على صدره بُروشًا رقيقًا ليزينه، ثم توجهت إلى المرآة لتتزين وتمشط شعرها الطويل الساقط خلف ظهرها.

نظرت حور لنفسها في المرآة معجبة بجمالها وبقوامها الممشوق البارز خلف ذلك الفستان الضيق.. وأمسكت بفرشاة شعرها وأخذت تمشطه تارة ترفعه لأعلى ثم تتركه ليسقط على ظهرها مرة أخرى كشلال المياه الذهبي وقالت لنفسها: "طيب مش خسارة القمر دا يتجوز ويتحبس ويبيجي

## كشفايل

واحد شايف نفسه يقعد يتحكم فيه ويخليه يطبخ ويغسل... ها.. ردي عليا يا حور... يا بت يا قمر إنتي؛ خسارة ولا لأ؟!!

وفجأة رأّت حور في المرآة وكأن وجهًا ما يظهر أمامها، وسمعت صوتًا من خلالها يقول: "قمر".

فزعت حور ورجعت إلى الوراء للحظات ثم اقتربت مرة أخرى من المرآة لتتأكد مما رأته ومسحت المرآة بيديها جيدًا فلم تجد شيئًا وقالت: "وبعدين بقى في التخاريف اللي معايا من صغري دي.. شكلي مجنونة وأنا مش حسة.. وكل ما أقول لماما تقولي بلاش تبصي كتير لنفسك في المرايا.. ما لها المرايا يعني... أمال أشوف القمر دا والعيون الزرق دي فين؟.

ثم جاءها الصوت مرة أخرى يقول: "قمرررر".

فزعت حور وقالت: "لاااا أنا أحسن لي ما أبصش للمرايا خالص وأنزل أشوف ماما وعريس الهنا اللي جاي دا شكله عامل ازاي.....

نزلت حور إلى الأسفل ودخلت على والدتها وهي تحضر بعض الحلويات والعصائر:

- إيه يا ماما كل ده؟؟ هو فرح؟.... دا لسا جاي يتقدم وممكن أوافق وممكن لأ.

والدتها: لأ في عينك؛ دا سابع عريس يجيلك، إنتي عايزة الناس تقول إيه؟ وبعدين دا دكتور ومن عيلة وأي بنت تتمناه؛ خلصينا بقى من الناس اللي داخلة طالعة دي وأرسيلك على واحد فيهم أبوس إيدك؛ وبعدين أنا متأكدة إن دا بالذات هيعجبك أووووي؛ يلا يا بنتي ربنا يهديكي.

حور: ماشي يا ست الكل عايزة تخلصي مني، وبعدين بنتك حبيبتك  
برضه زي أي بنت؟... دا أنا بنت القمر يا قمر إنت ههههههه.  
ضحكت والدتها وقالت: طب يلا يا حبيبة قلب أمك إنتي، جهزي  
الأطباق معايا علشان نطلعها بره.

مر بعض الوقت ووصل العريس وأهله إلى منزل حور وجلسوا جميعاً  
في غرفة الاستقبال، وكان هو ووالده ووالدته وأخته الأصغر سناً وكان ينظر  
من تحت نظارته لحور وهو في شدة الإعجاب بشكلها وقوامها الممشوق وهي  
كانت تتجنب النظر إليه تماماً.

كان يُدعى "حسن"، دكتور بشري ولديه عيادة كبيرة.. كان شعره بنيّاً  
غامقاً خفيفاً إلى حد ما، وعيناه عسليتان وله شارب ولحية.. كان وسيماً إلى  
حدٍ ما.

والد حسن: إيه يا أبو حور... قُلت إيه نخلي الخطوبة الإِسبوع الجاي  
والدخلة خلال ست شهور؟ أنا ابني مستعجل علشان هيسافر بعدها.  
نظرت حور لوالدها بحدة وكأنها تريد منه أن يرفض كما كان يفعل  
طول الوقت وكان لا يرفض لها طلباً؛ فهي ابنته الوحيدة المدللة ولكن  
لحقته والدتها بالرد وقالت:

- تمام أوي كدا يا أبو حسن وعلى خيرة الله إحنا أصلاً جاهزين.

حور بصوتٍ حادٍ: ماما.

والدتها: قُلنا خلاص يا حور.

والد حسن: تمام نقرا الفاتحة بقى.

## كشفايل

ورفع الجميع يديه لقراءة الفاتحة عدا حور التي نظرت للجميع في غضب ولم يكثر لها أحد سوى أبيها الذي كان ينظر إليها في حزن. خرج العريس وأهله من المنزل على أن تتم الخطبة في ميعادها، وما إن خرجوا حتى نظرت حور لأمها بغضب وقالت:

- حضرتك ممكن أفهم إيه معنى اللي حصل ده؟ يعني إيه تقروا فتحتي على واحد أول مرة أشوفه ومش عارفة عنه أي شيء... بتخلصي مني يعني وخلاص؟ دا إنتي حتى ما سمعتيش رأيي الأول ولا حتي اتكلمت معاه نص كلمة.

والدتها: أنا؟! أنا كل هي أطمئن عليكِ وحسن أنا عارفاه كويس.. دا ابن ناس وطيب وهيحافظ عليكِ... وكفاية ترفضي عرسان بقى هتعنسي. حور: يعني مصرة يا ماما؟... شايف يا بابا اللي حصل، ما تقول حاجة. والدها: أمك عندها حق يا بنتي وإحنا بندور على مصلحتك وما فيش سبب مقنع لرفضه وبعدين إعرفيه براحتك الفترة الجاية واتكلمي معاه زي مانتي عايزة.

حور في غضب: يوووووووه... أنا طالعة أنام... ما فيش فايده من الكلام معاكم.

والدها: حور، يا حور إستني بس.

والدتها: سيها.. بكراتأخذ عليه وتحبه... إحنا كدا عملنا الصح؛ كفاية دلع فيها بقى.

صعدت حور مسرعة في غضب إلى غرفتها وبدلت ملابسها وجلست على فراشها تفكر في تلك الورطة وذلك الارتباط وكيف ستتخلص منه.. إلى

أن غالبا النوم ورفعت الغطاء على صدرها وراحت في نوم عميق.  
كانت مبتسمة وهي نائمة وتبدو كالملاك وشعرها الذهبي مفروش خلف ظهرها... كانت تحلم بحلم كان من الواضح أنها سعيدة به لدرجة جعلتها تبتسم وهي نائمة.

كانت تحلم بذلك الشاب الوسيم الذي تراه دائما في أحلامها وكان عندما يراها يلتف حولها في رقةٍ وحبٍ ناظراً إلى جمالها ثم يقترّب منها ويضمها بين أحضانه ويقبلها ويأخذها بعيداً لقصرٍ كبيرٍ يعيشان فيه معاً.  
كانت حور في كل مرة تستمتع بحلمها لدرجة تجعلها غاضبةً عندما تصحو من نومها، هو ذاك الشاب الذي تتمناه من صميم قلبها، هو فتى أحلامها الذي سيأخذها على الجواد الأبيض كما تحلم كل فتاة.

في الصباح جلست حور على فراشها شاردة تفكر في ذلك الشاب الوسيم ذي الشعر الطويل على كتفه الذي يأتيها في الحلم منذ سنوات وكانت تتمنى أن تلقاه في الواقع فإنها أحبته في أحلامها ورسمته في مخيلتها على أنه فارس أحلامها المنتظر ولذلك كانت ترفض أي شخص يتقدم لخطبتها لأنها كانت تبحث عن شخص بعينه وتقول لنفسها دائماً: "وهل يمكن أن يتحول الحلم إلى واقع"، ولكنها كانت تأمل ذلك، كانت على يقين بأنه موجود على أرض الواقع.

وقفت حور متجهة إلى مرآتها ونظرت لنفسها وهي ممسكة بعض خصل شعرها الذهبي ناظرة إلى عينيها الزرقاء، تفكر في حبيب أحلامها الوسيم.  
ثم فجأة رأت مرة أخرى وجه شخص ما في المرآة ولكنه ظهر تلك المرة بوضوح.. إنه هو فارس أحلامها يظهر أمامها في المرآة يجلس في مكان


كالسجن يبكي ويقول: " قمر".

أخذت حور تفرك في عينيها حتى تتأكد أن ما تراه حقيقة ولكن كالعادة تلاشى كل شيء من المرأة فقالت في دهشة: "وبعدين بقى في اللي أنا بعمله في نفسي ده... للدرجة دي أنا متعلقة بحلمي.. بس ليه بسمع اسم قمر دا كتير؟ وليه بحس إني أعرف حد بالاسم ده؟! يمكن هو قاصد يغازلني بالاسم!! ياااااه لو أشوفك بجد؛ أنا واثقة أنك موجود حقيقي في مكان تاني؛ بس فين يا ترى؟





# حيلة ميمون للخروج من السجن وزيارة قصره



ميمون في زنانتة نائم وكان كالعادة يحلم... إنها قمر تقف أمام مرآة تترين له كعادتها وتقول: "ياااه لو أشوفك يا حبيبي... إتأخرت سنين كثير... أنا مستنياك تاخديني في حضنك زي زمان، قوم يا ميمون... أن الأوان نرجع لبعض.. يلا اخرج من سجنك؛ الغياب طال وأن أوان اللقاء.

انتفض ميمون من نومه وهو ينادي عليها: "قمرررر".

ثم جلس وأخذ يحدث نفسه: "معقول!! الحلم دا بجد؟... قمر موجودة وبتنادي عليا؟.. وعيازاني أخرج.. لكن أوان إيه اللي جه؟! وبعدين أنا هخرج ازاي من هنا؟ إزاااي؟".

وفجأة خطر ببال ميمون فكرة ثم نادى على الخادم وجاء إليه ثم قال له:

- أنا لازم أخرج النهاردة... لازم تساعدني... كفاية كدا أوي؛ أنا تعب، الموت أرحم ليا، أرجووك ساعدني، يا إما تخرجني، يا إما تموتني.

الخادم: إنت بتقول إيه يا سيدنا، أموتك!! دا أنا أموت قبلك، وعلشان أخرجك صعب، أنا قلت لك من سنين صعب.

ميمون: فاكر لما قلت لي كل شيء بميعاد.

الخادم: أيوه، فاكر.

ميمون: وده الميعاد.

الخادم: طيب ناوي على إيه وأقدر أساعدك ازاي؟

ميمون: إنت هتشوف لي أي خادم ما فيش حد ممكن يلاحظ غيابه... وتفهمه إنه بيعي يتجسد في هيئتي بس مش دي طبعًا لأنه صعب.. هيئة الجن بتاعتي.. لحد مانا أخرج وأقدر ألقى الطريقة اللي أخلص منها من



صعد ميمون إلى الأرض، لا يدري أين يذهب وماذا يفعل؟؟ ولكن في البداية أراد أن يستعيد ذكراه مع حبيبة قلبه قمر فذهب مسرعاً إلى القصر الذي كانت تسكنه حبيبته قمر.. كل شيء تغير.. مائة عام كفيلة بتغيير كل شيء حوله على الأرض.

وجد القصر مهجوراً تحيطه الأشجار المتشابكة من كل اتجاه وكانت المنازل حوله عادية منيرة وكأن الجميع كان يخشى الاقتراب منه.

صعد ميمون إلى الغرفة التي شهدت على أجمل اللحظات بينه وبين حبيبته.. كان الغبار يملأ كل ركن وتنتشر الفئران في كل مكان.. امتلأت عين ميمون بالدموع ثم ذهب في اتجاه المرأة وتذكر آخر يوم كانت تنتظره فيه قمر وكانت تزين له فيه.

حدث نفسه وهو يزيل الغبار عن المرأة: "إنتي فين يا قمر.. قولتيلي تعالى أنا مستنياك، روحتي فين؟؟ ولا هو مجرد حلم، طبعاً حلم، مانا شوفتك مذبوحة قدام عيني، ازاي هلاقيكي من تاني، ازاي يا قمر!!" وفي أثناء مسحه للغبار رأى شيئاً ما بالمرأة... إنها هي.. قمر تنام على فراشها ولكن في مكان ما آخر.. ما زالت بنفس جمالها رغم مرور مائة عام. اندهش ميمون كثيراً ولمعت عيناه وأخذ ينادي: "قمر.. يا قمر.. إنت فييين.. سمعاني؟".

في تلك اللحظة كانت حور تنام بغرفتها وانتفضت فجأة مفزوعة وفتحت عينها وقالت: "بسم الله الرحمن الرحيم... إيه ده؟؟ مين صحاني... أنا سمعت حد بيصرخ ويقول يا قمر... بس أنا مش قمر!! أنا خلاص تعبت ومش فاهمة إيه اللي بيحصل معايا".

وانهارت حور وظلت تبكي معتقدة أنها قد أصابها الجنون.

## ظهور والدة ميمون



جلس ميمون على كرسي بجوار النافذة الموجودة بالغرفة يراقب قطرات المطر المتساقطة على الأشجار العملاقة التي تحاوط القصر، يفكر مع كل قطرة ماء تسقط في طريقة للثأر من كشفاثلل ويفكر أين يستطيع أن يجد "قمر" من جديد.

ثم لمعت عيناه وحدث نفسه وقال: "ما دمت أنا من الجن العلوي المسالم يبقى لازم أدور عليهم وأعرف فين مملكتهم... أكيد هما هيقدرروا يساعدوني.. بس أبدأ منين وازاي؟

ظل ميمون يبحث من مكان لآخر حتى يستطيع الوصول لمملكة الجن العلوي وظل على هذا الحال أياما وأياما لكن دون جدوى.

في تلك الأثناء تبدل حال حور فكانت دائماً شاردة تبكي... لا تريد التحدث مع أي شخص، فقط تريد دائماً أن تنام لتحلم بفارس أحلامها الوسيم، تنتظر تلك اللحظة التي يحاوطها بذراعيه وتنام بين دفء أحضانها في تلك الليالي الباردة.

لاحظ والداها تبدل حالها وخصوصاً بعد رفضها أن تتم الخطبة في ميعادها وجعل ذلك "حسن"

خطيبها يشك في الأمر وظن أنها على علاقة بشخص آخر وخصوصاً أنه كلما حاول التقرب منها أو التحدث معها تهرب منه بشتى الطرق، وفي كل مرة تخلق حجة مختلفة عن الأخرى مما زاد شكه فيها، فما كان له سوى أن يواجه والديها بهذا الشك فقرر أن يتركها ويفسخ تلك الخطبة.

## كشفايل

حالتها الصحية تدهورت بل إنها أضربت عن الطعام أيضًا وقام والداها بعرضها على عدد من الأطباء ولكنهم لم يجدوا سببًا مرضيا لحالتها تلك، ولم يجدوا لها تشخيصًا سوى أنها تعاني من اكتئاب حاد.

جلست الأم بجوار ابنتها على الفراش ممسكة بكوب لبن ساخن وقالت:  
- يلا يا حور اشربي اللبن دا بس... علشان تاخدي الدواء بتاعك.

أزاحت حور يد والدتها بعيدًا... ورفضت أن تشرب اللبن كما رفضت أن تأخذ الدواء.

الأم: وبعدين معاكي يا بنتي.. طيب اتكلمي.. قولي فيكي إيه؟.. وليه حزينه كده؟.

بكت حور بشدة دون أن تنطق بكلمة.

خرجت والدتها من غرفتها وهي تكي على حال ابنتها الجميلة وجلست بجوار زوجها حزينة.

الأب: برضه مش راضية تاكل ولا تشرب؟

الأم: حالتها بتسوء ومش عارفة فيها إيه... يمكن تكون محسودة؟!  
الأب: إيه الكلام اللي بتقوليه ده؟... الحسد يعمل فيها كده؟.. شكل بنتك بتحب واللي بتحبه هو سبب كل ده.. باين عليه بعد عنها، ما هو لو كان معاها كان جه على الأقل اتقدم.. ما فيش حاجة تمنعه.. سيبها بكرة تنساه وتعرف مصلحتها فين.

الأم: طيب على الأقل أخذها لشيخ يقرأ عليها.. يا عالم.

صاح الأب في غضب:

- إيه اللي بتقوليه ده؟.. شغلي جنبها قرآن وخلص وبخرها لكن إوعي

تاخذيهما لحد.. إنتي فاهمة؟

الأم: حاضر يا أبو حور.. حاضر.

وقفت حور أمام مراتها تبكي وتقول: "إنت فين يا.... أنا حتى مش عارفة اسمك... إنت مش بتجيلي ليه في الحلم زي الأول؟! طيب مش بتظهر ليه قدامي في المرايا... يعني كل دا كان خيالي المريض.. يعني إنت أصلاً مجرد سراب.. أنا حاسة إني ضايعة من غيرك.. كل حاجة حلوة نقصاني.. أنا... أنا حبيتك أوي وعندي استعداد أعيش عمري كله على مجرد حلم بشوفك فيه، حسة إني هموت لو ما شوفتكش تاني في أحلامي زي ما اتعودت.

ثم بكت بشدة ولم يظهر لها أي شيء في المرآة... تنام طويلاً وطويلاً دون أن ترى فارس أحلامها كما تعودت... فمن الواضح أنه رحل عنها.

ميمون يئس من أن يجد طريقاً قد يعثر فيه على مملكة الجن العلوي فجلس وهو في غاية الإحباط لئلاً على طرف بحيرة مظلمة.. ظل يفكر في الأيام التي مضت وكان يبحث فيها عن المملكة وعن ثاره لقمر ولوالدته ولكن دون جدوى ثم جاء على باله الخادم الذي تركه يواجه مصيره وحده الآن ولا يعلم هل اكتشف أحد ما هروبه أم لا.

فحدث نفسه قائلاً: "وبعدين... أنا يظهر مش هعرف أوصل لحاجة.. لا المملكة عارف أوصلها، ولا قمر قادر ألقمها.. يظهر إن من كتر حبي ليها توهمت إنها لسا موجودة.. صحيح وهتكون موجودة ازاي وهي اتدبحت قدام عيني... مستني إيه يا ميمون.. مستني لما حد تاني يتدبح بسببك.. أنا

لازم أرجع للزنزانه بتاعتي.. لازم أرجع.

نهض ميمون وهو يمسح دموعه عازماً أمره على الرجوع إلى السجن مرة أخرى بخيبة أمله وأغمض عينيه حتى ينقل نفسه للمملكة السفلية... ثم فجأة سمع صوتاً يقول: "إستنى.... إوعى تمثني".

أخذ ميمون ينظر حوله هنا وهناك دون أن يرى أحداً وظن أنه يهياً له ذلك.

ثم أغمض عينيه مرة أخرى لسمع الصوت نفسه: "إستنى يا ميمون.. إستنى يا حبيبي".

نظر ميمون خلفه فجأة ليجد امرأة غاية في الجمال ولكنها مجرد طيف أبيض متوهج، كانت تنظر له بحب وحنان، وكانت لا تقف على الأرض فكانت تقف في الهواء، تتطاير خصل شعرها وراءها كأشعة الشمس ويتحرك رداؤها الأبيض الحريري في كل اتجاه.

اندهش ميمون بشدة وانهر من فرط جمالها وأصابه الصمت للحظات ثم قال:

- إنتي مين؟؟؟ وعايزة مني إيه؟

قالت له:

- مش عارف أنا مين يا ميمون؟! طيب شوفني بقلبك كدا للحظة واحدة أكيد هتحس وهتعرف أنا مين.

لمعت عينا ميمون وأمسك برأسه بكلتا يديه.. فاتحاً فمه غير مصدق ما يحدث.

قالت له: ها.. عرفت أنا مين؟

ميمون: معقول؟.. معقول تكوني.... أمي!!  
 قالت: نعم.. أنا أمك يا حبيبي.. أمك اللي إتحرمت منك وإتحرمت منها...  
 كان لازم أظهر في الوقت دا بالذات.. قبل ما ترجع للجحيم من تاني..  
 ميمون: يااااه يا أمي... محتاج لك أوي.  
 الأم: أنا كنت معاك طول الوقت وكنت حريصة إني أكون جواك  
 علشان ما تتحولش زي الوحوش اللي عايش معاها.  
 ميمون: يعني إنتي كمان عايشة؟!  
 الأم: أنا لا عايشة ولا ميتة... أنا في عالم تاني.. وإنت تقصد إيه بإنتي  
 كمان.. في مين تاني تقصده؟  
 ميمون: حبيبي... قمر.. دبحها كشفاييل قدام عيني.  
 اقتربت منه أمه في حزن وألم وقالت:  
 - قمر ماتت يا ميمون ومش موجودة غير مجرد طيف شبيهي.  
 ميمون: طيف!! يعني اللي بشوفها دي طيف؟... يعني مش هشوف قمر  
 تاني؟  
 الأم: للأسف يا حبيبي.. بس إوعى ترجع لكشفاييل غير لما تعرف ازاي  
 تاخذ بتارك.  
 قال ميمون بإحباط: وأنا هعرف ازاي؟... أنا بقالي كام يوم بدور على  
 طريق يوصلني لمملكتك ومش لأقيه... لدرجة إني يئست.  
 الأم: وعلشان كذا أنا ظهرت لك دلوقتي.... أنا جاية أخذك للمملكة  
 بتاعتنا.. استعد.

## كشفايل

ابتهج وجه ميمون وفي لمح البصر وجد نفسه في مكان أشبه بالقلعة الضخمة ولكن نظر حوله فلم يجد أثرًا لوالدته وأخذ ينادي عليها: يا أمي.. روحتي فين.. خليكي معايا.

فخرج فجأة من باب عملاق حارس المملكة ممسكًا بيده رمحًا كبيرًا وكأنه من ذهب، كانت هيئته مختلفة... فكان أبيض الوجه وضخم وضخمًا وله قرون بيضاء صغيرة، وعيناه واسعتان لونهما أسود كلون عين ميمون... اقترب منه الحارس وقال: إنت مين؟؟؟ ووصلت هنا ازاي؟؟ وعاييز إيه؟ ارتبك ميمون وقال: أنا ميمون.

الحارس: ميمون؟! دا اسم من الجن السفلي....  
رفع الرمح في وجه ميمون وقال بغضب: إنت ازاي وصلت لهننا؟ إحنا مملكتنا مش بتظهر للجن السفلي وعاييز إيه؟؟ انطق بسرعة.  
ثم صاح الحارس على باقي حرس المملكة وأمرهم بالقبض على ميمون وتسليمه لملك الجان.

أمسك الحرس "ميمون" ودخلوا به على القاعة التي يجلس بها ملك الجان العلوي ( محرز ).

كان محرز يجلس على عرشه ينظر إلى ميمون في دهشة.  
الحارس: لقيت الجني دا بيحاول يقتحم المملكة يا سيدنا... لازم تؤمر بقتله حالاً.. دا دسيس.

نهض محرز ونزل من على سلالم العرش بخطوات بطيئة.. متجهًا إلى ميمون. ثم رفع يده اليمنى مشيرًا للحرس بأن يتركوا "ميمون".

تعجب الحرس من أمر محرز وقال واحد منهم:

- نسيبه ازاي يا ملك؟.. دا جن سفلي!!

قال محرز: لأ... مش جن سفلي.. دا ابنا.

اندهش الجميع ووقف ميمون وهو لا يقوى على النطق بكلمة.

قال محرز في حب وحنان:

- أنا مستنيك من زمان يا ميمون... أنا أبقي جدك.. إنت شبه والدتك

كتير.

ابتسم ميمون وقال: سيبتني ليه كل دا يا جدي عايش معاهم؟.. ليه ما

خطفنتيش منهم؟ وازاي مقدرتش تحي أمي؟

محرز: زي ما هما غير مسموح ليهم بدخول مملكتنا إحنا كمان غير

مسموح لينا بدخول مملكتهم، وبنتي عصت أوامري وقتها برغم إني حذرتها

ولكنها ضحت بنفسها علشان ترجع الأسرى، والنتيجة لا هي رجعت ولا

الأسرى رجعوا، أنا عارف الأعيب كشفاييل كويس.

ميمون بحسرة: يعني لو أمي كانت سمعت كلامك كان زمان كل شيء

إتغير، لا كانت إتقتلت ولا أنا إتولدت ولا كنت إتجوزت قمر واتسببت في

قتلها قدام عيني.

محرز: البكاء والتمني مش هيرجع اللي راح، أنا كنت متابع كل أخباركم

وعرفت إنه أجبرها على الزواج منه برغم إنه يخالف كل الأعراف... وعرفت

بعدها بخبر ولادتك وخبر قتل بنتي... بس كنت متأكد إنك هترجع لي..

والدتك شالت من جواك كل صفاتهم الخبيثة وإنت كل صفاتك مننا إحنا

ومكانك الصح هو هنا، كويس إنك رجعت لمكانك الأصلي يا أمير.

## كشفاييل

ميمون: أيوه يا جدي.. بس أنا لازم أرجع.. لازم أنتقم من كشفاييل وأقضي عليه زي ما حرمني من أمي وحببتي قمر ولازم أحمي الخادم اللي ساعدني.. أنا وعدته إني راجع.

محرز: الموضوع مش سهل يا ميمون... قتل كشفاييل مش مضمون وهتغامر بعمرك وأنا ما صدقت لقيتك، والخادم دا منهم، مش لازم تفكر تاني فيه.

ميمون: أرجوك يا جدي ساعدني أحقق انتقامي... أرجووووك، والخادم هو اللي حررني وهو سبب إني شوفتك واتعرفت عليك، لازم تساعدني يا جدي يا إما هضطر أشوف طريقة وحل لوحدي.. بس أنا متأكد إنك مش هتسيبني، أرجووووك ما تخدلينيش.

قال محرز في حزن: هساعدك يا ميمون... إسمعني كويس... اللي هقوله دا هيعرض حياتك للخطر ولكن ما فيش حل غيره، كشفاييل مش هيموت غير بسيفه هو ولازم قبل ما تاخذ السيف منه تخدر قوته لأنك لو ما عملتش كدا إستحالة تقدر عليه وهيسلسلك قبل ما تلمسه وهيقتلك.

ميمون: أخدر قوته!!! طب ازاي؟

محرز: دي سيها علينا.. المخدر دا بيحضره كبار الجن عندنا وإنك كل اللي عليك إنك تقدر تحطه في حاجة يبشرها وهنعمل لك كمان تعويذة تقدر تسلسل بيها المملكة كلها علشان بعد ما تقتل كشفاييل ما حدش من الجن السفلي يقدر يخرج يضر حد على الأرض إلا إذا لوحد من النبي آدمين أفسد التعويذة وحضر حد منهم، للأسف كتير منهم بيحاولوا يستعينوا بقوتهم ويستخدموهم في أذية ناس تانية، مش فاهمين إنهم بيستعينوا

بأقوى قوة مدمرة وللأسف برضه بيفشلوا في صرفها وتلبية طلبات الجن السفلي وبتنتهي بموتهم.

ميمون: طيب يلا يا جدي خلمهم يجيبوا المخدر حالاً.. ما فيش وقت.  
محرز: اصبر يا ميمون... دي بتاخذ كام يوم علشان تجهز.. ما تستعجلش، الأمر مش بالسهولة دي، ولكن لحين تحضيرها أحذرك من الخروج برا المملكة، كشفايل عيونه كثير في كل مكان.  
شعر ميمون بالارتياح في وجوده في مملكته الأصلية وسط من ينتهي لهم.. عالم كله أمان، ثم جلس يفكر في حبيبته قمر ويتمنى أنها كانت ما زالت معه ويعيشان سوياً في مملكته الجديدة.

## حور وميمون



كان ميمون يتجول في أنحاء المملكة وشعر فجأة بالحنين لقمير فأراد أن يعود للقصر الذي كان يعيش فيه معها ليسترجع ذكره فهو الشيء الوحيد الذي يحمل رائحتها.. لعله لن يراه مرة أخرى لو قتله كشفاييل.

قبل أن يذهب إلى القصر كان يسير قليلاً في الليل وسط الأشجار.. كان لا يشعر إلى أين يذهب فكان شاردًا تمامًا ويفكر في حبيبته.  
فجأة توقف وشعر أن قلبه ينبض بشدة فأمسك قلبه وأغمض عينيه وقال: "قمير... ليه حاسس إنك موجودة؟.. وإنك قريبة مني... حتى قلبي بيدق زي ما كان معاكي. آآآآآ... آآآآآ لو ترجعي.

فتح ميمون عينيه ليقع نظره على منزل يضيء حديقته مصباحٌ ضعيف وكانت تجلس في الحديقة في ذلك الوقت المتأخر فتاة... كان ظهرها مواجهًا لميمون فلا يرى وجهها ولكنه يرى شعرها الذهبي الطويل.. ثم لاحظ ميمون أنها تبكي بشدة فقد كانت تضع يدها على وجهها ويصدر منها صوت أنين ضعيف وكانت ترتجف بشدة ومنكمشة في نفسها فقد كان الهواء شديد البرودة في تلك الليلة الشتوية.

قال ميمون لنفسه: "ودي إيه حكايتها؟؟ وازاي قاعدة لوحدها كدا بالليل وفي البرد ده!!! شكلها حزينة أوي... أنا لازم أروح أتكلم معاها يمكن أقدر أساعدها ولا ممكن أسبب لها زعر لو ظهرت فجأة قصاها... إمممممممممممممممممم، لكن صعب أسببها كدا برضه، هروح لها وخلص بقى.  
ذهب ميمون في اتجاه الفتاة التي تبكي ثم وقف خلفها ومد يديه للأمام ليلمس كتفها حتى تنتبه لوجوده ولكنه خشي أن تفرغ منه... فأصدر صوتًا خفيًا: إمممممم.



ميمون: أنا مش مصدق إني شوفتك تاني بعد كل اللي حصل.. معقول  
 إنتي واقفة قدامى كده، لسا جميلة زي مانتى... ما فيش حاجة فيكى  
 إتغيرت... مع إن عدت عليكى سننيين كتير أوي.  
 سرحت حور في وجهه الجميل وطريقة كلامه الحنون وهو بيتسم  
 ابتسامة ساحرة وعيناه مليئتان بالدموع.....

اقترب منها ميمون وضمها إلى صدره بشدة وبكى كثيرًا وهي بين  
 أحضانه.. أما حور فكانت تاركة نفسها بين يديه تمامًا... بل هي التي كانت  
 تشعر في الوهلة الأولى أنها تريد أن ترتعي بين أحضانه من كثرة شوقها له  
 بعد غيابه عنها كل هذه الأيام.

أخذت حور تمسك جسده بيديها بشدة وتتحسس بأصابعها وجهه  
 وشعره ويديه لتتأكد أنها لا تحلم ثم ابتعدت عنه فجأة وقالت:

- تقدر تقولى حضرتك كنت فين طول الأيام اللي فاتت؟

ميمون: ؟؟؟؟؟

حور: آاااه إعمل عبيط بقى.

ميمون في دهشة: عبيط؟!!!

حور: ما لازم تفسرلى غيابك دا كان سببه إيه؟؟ إستنى هنا إنت قلت

لي اسمك إيه؟

اندهش ميمون أكثر وقال: اسعى... معقول نسيتى اسعى... نسيتى اسم

حبيبك ميمون.

حور: يا خبر.. اسمك ميمون؟!!! ههههههههههه... يعني يا ربي يوم ما أحب

واحد يطلع اسمه ميمون... عموماً مش مهم هبقى أدلحك بحاجة تانية.





## كشفايل

عاد ميمون إلى المملكة سعيداً... حائراً.. مندهشاً من حال حبيبته التي لم تتذكر حتى اسمه.

دخل على جده محرز الذي كان قلقاً عليه وعلى اختفائه المفاجئ وما إن رآه حتى صاح فيه:

- ميمون... كنت فين... أنا خليت الحرس قلبوا عليك المملكة، إنت نسيت أنا قولت إيه؟

ميمون: أنا آسف يا جدى.. أنا كنت بتمشى شوية على الأرض.

محرز: إنت اتجننت...؟ إزاي تغامر وتعمل كده...؟ إنت مش فاهم إنك في خطر؟ لازم تفضل جوا المملكة لحد ما تحقق انتقامك.. ممكن حد من الجن السفلي يشوفك.. وساعتها مش هنقدر نحملك.

ميمون: مش هتصدق يا جدى أنا شوفت مين.

محرز: شوفت مين يا ميمون؟

ميمون: قمر يا جدى... حبيبتى قمر.

محرز: إنت مش قولتلي إن قمر قتلها كشفايل... إزاي شوفتها!!؟

ميمون: بقولك شوفتها ولمستها كمان واتكلمت معاها وهي كمان عرفتنى.. بس كانت غريبة شوية.. وكانت ناسية اسمى كمان وعايشة مع أبوها وأمها إزاي مش عارف!! دي ما كنش لها حد غيري في الدنيا، أنا بجد مش فاهم يا جدى.

محرز: دي مش قمر يا ميمون.

اندهش ميمون وقال: مش قمر!! إزاي!!؟ دي عرفتنى وسألتنى عن سر

غيابي.

محرز: اللي بيموت مش بيرجع يا بني... دا غير إن ما فيش إنسان بيعيش كل السنين دي إحنا بس اللي كده.

ميمون: إزاي يا جدي؟؟ بقولك عرفتني وقالت لي كنت فين وبعدين شكلها زي ما كانت، بدرمنور وملاك من السما ما فيش حاجة اتغيرت فيها.  
محرز: أنا فاهم إنت عايز تقول إيه.. لكن اللي إنت مش فاهمه إن في حاجة اسمها ميلاد جديد.

ميمون: ميلاد جديد!!

محرز: أيوه يا حبيبي... الميلاد الجديد دا لما روح شخص بتكون متعلقة بحاجة معينة في الدنيا وحبها للحياة بيكون قوي وبتتقتل غدر.. بتنتقل روحها لشخص لسا بيتولد.. بيشفوف الشخص دا بعض ذكرياتها وبيكون أحياناً نسخة منه في الشكل وفي بعض الطباع.. لكن مش هو نفس الشخص بتكون نفس الروح وبس... فهمت؟

ميمون في حزن: فهمت يا جدي... علشان كدا ما افتكرتش غير شكلي.. قمر نقلت لها صورتني وإحساسها وحبها وبس... وعلشان كدا والدتها كانت بتنادي عليها وتقول حور.. اسمها حور.

محرز: الله... اسمها جميل... ناوي على إيه يا ميمون؟

ميمون في حيرة: مش عارف... أنا حسيت إن قمر هي اللي معايا وحور كمان كانت محتاجالي.

محرز: إنت عارف إن قريك منها ضد قانون الطبيعة... البشر مش بيتقبلوا فكرة زواج الجان وبيعتهروها نوع من التخاريف والجنون وبيحاربوها بكل الطرق.. دا غير إنك ممكن تعرض حياتها للخطر زي ما

حصل لقمر.

نكس ميمون رأسه إلى الأسفل وقال في حزن والدموع تملؤ عينيه:  
- عندك حق يا جدي، أنا لازم أبعد عنها وما أعملش فيها زي ما عملت  
في قمر.. حتى ولو على حساب نفسي.  
ذهب ميمون إلى غرفته وهو حزين.. لأنه سيفارق حور برغم أنه كان  
متشوقا لرؤيتها.

نامت حور منتظرة رؤية فتى أحلامها مجدداً ولكن لم يأتها ونهضت في  
الصباح حزينة تخشى أن كل ما رآته كان خيالاً.. ولكنها ستصبر حتى الليل  
لترى هل سيفي ميمون بوعده ويحضر لرؤيتها أم ستكون على يقين أنها  
كانت تحلم به الليلة الماضية؟  
جلست والدتها تحدث والدها وقصت عليه ما حدث ليلة أمس مع  
ابنته فجاء رده هادئاً وقال:

- ما تقلقيش.. زمان حبيبها صالحها.. ويمكن قابلها في الجنيحة كمان..  
أنا قلت لك وطلع زي ما توقعت.. يظهر إن بنتك متعلقة بيه أوي.. لما نشوف  
أخرتها معاهم إيه.

الأم: تفسيرك هو أنسب حاجة.. إنت صح يا ابو حور... بنتك فعلاً بتحب  
واحد ومتعلقة بيه أوي... يارب يبجي يتقدم لها على طول علشان نطمئن  
علما ونفرح بيها بقى.

كانت حور منتظرة قدوم الليل بفارغ الصبر... حل الليل ونزلت إلى  
حديقة المنزل تجلس مكانها حتى ترى حبيب قلبها وكانت والدتها تراقبها من

نافذة غرفتها حتى ترى ذلك الشخص الذي تحبه ابنتها إلى هذا الحد.  
مرت ساعات وساعات ولم يأت ميمون وأصابته خيبة الأمل حور  
وأخذت تبكي بشدة وتقول:

- إنت فييين...؟! معقول كان بيتهيألي إني شوفتك وكلمتك وحضنتك؟!  
أنا ما صدقت لقيتك، أرجووووك ارجع يا ميمون... ما تسبنيش تاني...  
أرجووووك يا ميمووووون.

وانهارت في البكاء أكثر وهي تنادي باسم حبيبها، لكن دون جدوى.  
مريوم واثنان وثلاثة ولم يظهر ميمون مرة أخرى خوفاً على حور ولكن  
كان قلبه يعتصر من الألم، وكان قلقاً عليها.  
ساءت حالة حور مرة أخرى وأصبحت على يقين أن ما رآته كان مجرد  
وهم عاشته في مخيلتها وأصبحت لا تطيق هذا الألم الذي يعتصر قلبها،  
فقررت الانتحار.

جلست تلك الليلة في الحديقة وأمسكت بيدها سكيناً وظلت تنظر إليه  
وهي تبكي وتقول: "أنا عارفة إني مش هشوفك تاني وخلص مش قادرة  
أتحمل وجع قلبي ده، ولا أرتاح من كل اللي بحسه، يا تكون معايا في  
الحقيقة، يا حياتي تنتهي إلى الأبد، حساك سامعني وهستنى نتقابل في دنيا  
تانية وعالم تاني.

وانهارت حور وظلت تنظر للسكين بيدها وهي ترتجف وتستعد لطعن  
نفسها به.

## كشفايل

ميمون على فراشه يفكر في حور وفجأة سمع صوتها وهي تبكي وتنادي باسمه وشعر بألمها وشعر أنها تنوي فعل شيء ما رهيب..

انتفض ميمون من على فراشه وعزم أمره على أن يذهب إليها وقال:

- لا... مش هينفع أسيبها... هتموت من الحزن لو عملت كده، قلقان عليها جدااااا.. أنا محتاج لها وهي كمان محتاجالي.. حتى لو مش هي قمر... بس روحها جواها.. كل اللي اتغير الاسم بس أنا هروحها وهفهمها كل حاجة واللي يحصل يحصل...

وفي لمح البصر كان ميمون يقف أمام حور ووجدها تبكي بشدة وهي ممسكة بسكين حاد وعلى وشك طعن نفسها به، فأمسك بيديها ورمى بالسكين بعيداً وهو ينهرها بشدة:

- حور يا مجنونة إنتي بتعملي إيه؟؟ ليه كدا يا حبيبتى، عايزة تحرميني منك تاني ليه!! اطمني.. أنا هنا جنبك.

رفعت حور عينها ثم وقفت وضمته لحضنها بشدة وأخذت تبكي وتقول:

- إوعى تسبيني تاني يا ميمون... إوعى تحرميني منك تاني، علشان خاطري خليك معايا.. أنا بحبك أوووي.. إوعى تبعد عني... إوعى يا ميموونون.

مرر ميمون يده في حنان على شعرها وضمها بقوة وهو يقول:  
- ما تخافيش يا حبيبتى... مش هسيبك.. أنا معاكي أهو... كفاية عياط بقى.

كانت والدتها تراقبها في تلك اللحظة ولكنها كانت ترى ابنتها تفعل أشياء وحركات غريبة فإنها لم تكن ترى "ميمون"... حور فقط هي التي باستطاعتها أن ترى "ميمون".

تعجبت والدتها وبكت على حال ابنتها وأيقنت أنها أصابها بالفعل حالة جنون رهيبه. ولكن لم تكن عيون والدتها فقط التي تراها.. بل هناك عيون أخرى خبيثة تراقبهما بوضوح.  
إنه أحد أتباع كشفاييل.....

هدأ ميمون حبيبته وطلب منها أن تصعد إلى غرفتها لتتراخ ورفضت هي أن تتركه خشية ألا يعود مرة أخرى ولكنه أصر أن تصعد خوفاً من أن يراها أحد ما.

صعدت حور إلى غرفتها وأغلقت الباب وجلست على فراشها داعية الله ألا يغيب عنها ميمون مرة أخرى وأن تعيش معه للأبد.

جلست تبكي مرة أخرى ثم وجدت من يربت على كتفها بلطف ويقول:  
- أنا مش قلت لك تهدي ومش عايز أشوف دموعك دي تاني.  
فزعت حور وقالت في دهشة:

- ميمون!!! إنت ازاي دخلت هنا؟؟ أنا قفلت باب البيت ورايا وباب أوضتي!!

جلس ميمون بجوارها على الفراش وقال:

- حور في حاجات كتير لازم تعرفيها وبعدها تقرري إذا كنتي حبة تكوني معايا ولا لأ.

أصاب حور القلق وجاء ردها سريعاً:

- أنا مهما عرفت مش هسيبك وهفضل معاك لآخر يوم في عمري.

تذكر ميمون حديث قمر معه ودمعت عيناه ثم قال:

- ما تتسرعيش... أنا ما عنديش وقت كتير للكلام.. لازم تسمعيني قبل

ما أرجع المملكة.

حور في دهشة: مملكة؟؟؟ هو إنت عايش في مملكة؟... آااااا يبقى إنت

أمير بقى وابن ناس غنية وحوارات الأفلام دي.. بتاعة أهلي لازم يجوزوني

أميرة زيي وكده، صح؟ قول إني صح... قول إنك مش هتقدر تتجوزني

وتخالف أوامر الملك.. قول.

ميمون في حزم: بسسسسسسس... إيه كل ده...؟ يا حور اسمعيني..

أنا فعلا ابن ملك، بس..... بس ملك في مكان تاني.

حور: أه بلد تاني يعنى..... عايز تقول إنك مسافر ومش راجع تاني...

معقول يا ميمون؟ طيب ههون عليك... المفروض تحارب الدنيا علشان لو

بتحبني بجد.

صمت ميمون للحظات يفكر في كيفية إقناع تلك الثرثرة التي لا

تسمعه للنهاية ثم لفظ نفساً طويلاً وقال:

- حووووور... اسكتي شوية واسمعيني.. وبعدها قولي أي حاجة..

اتفقنا؟

حور: ماشي يا ميمون... اتفضل اتكلم.. لا، استنى.. إنت ما قولتليش

دخلت هنا ازاي؟



## كشفايل

اكتفت حور بهز رأسها فقط وكانت ترتجف بشدة ثم طلب منها ميمون أن تغمض عينيها.

وبعد لحظات أمرها أن تفتح عينيها وعندها صرخت حور بشدة ثم غابت عن الوعي تمامًا.

لقد قام ميمون بنقلها لمكان آخر على شاطئ بحر على الرغم أن البلد الذي تعيش به حور ليس به أي بحور.

فزع ميمون من أجل حور وحملها بين يديه وهو حزين من أجلها وندم كثيرًا على ما فعله ونقلها إلى غرفتها ووضعها على فراشها وجلس بجوارها يحدث نفسه: "حصل لها كذا مجرد ما نقلتها مكان تاني... دا أنا ما رضيتش أوريتها هيئتي الحقيقية علشان ما تكرهنيش وما رضيتش أخذها مملكة الجن العلوى.. دي كانت تموت فيها بقى.. أنا فعلاً كدا هأذيها... واستحالة تتقبل فكرة إن تربط حياتها بجن شبيهى.. أنا هسيبك يا حور..

ثم قام بتقبيل شفيتها قبل أن يغادر ففتحت حور عينيها ببطء ونظرت إليه ولكنها كانت ترى صورته غير واضحة من أثر الإغماء فطلت تردد بصوت ضعيف:

- ميمون... أنا... فين...؟ إنت مش... جني... ميمون.

قبّلها ميمون مرة أخرى ثم تركها لتنام ورحل.

عاد ميمون إلى المملكة ووجد جده محرز في قمة غضبه وصاح فيه:  
 - أنا مش قلت لك ما تخرجش تاني من المملكة علشان دا خطر على  
 حياتك.. أكيد كنت عند حبيبتك برغم إني حذرتك.. عصيت أوامري يا  
 ميمون... وأنا ما فيش حد يجروُ يعصي أوامري. من النهاردة ما فيش خروج  
 تانى... إنت فاهم.

ميمون في حزن: أوامرك يا جدي... أنا اتأكدت إن ما ينفعش أقرب من  
 حور وأنا هسيما في حالها.. مستحيل تقبلني زي قمر وتتحمل تعيش معايا..  
 وأنا مش هقدر أضرها ولأزم أحميها من نفسي.  
 ثم ذهب إلى غرفته حزيناً بائساً لفقده حبيبته للمرة الثانية.

في الصباح جلست والدة حور بجوار زوجها تبكي بشدة وقصت عليه  
 ما حدث مع حور وأن ابنتها الوحيدة قد أصابها الجنون وأصرت أن تنقلها  
 لمشفى خاص بالأمراض العقلية في أقرب وقت ممكن..

هدأها زوجها وأخذ يقنعها بأنه مجرد مرض نفسي نظراً لجلوسها طيلة  
 الوقت وحيدة ونظراً لفراغها العاطفي ووعدها أن ينظر في ذلك الأمر  
 وسيقوم في البداية بالحديث معها وأن يتواصل مع دكتور نفسي صديقه  
 ليشير عليهما بالتصرف الصحيح تجاهها.

استيقظت حور من نومها وأمسكت رأسها بشدة فقد كانت تؤلمها من  
 ليلة أمس. ثم انتهت فجأة وأخذت تتذكر ما حدث معها... وحاولت أن تقنع  
 نفسها أن ما رآته كان مجرد حلم وأن "ميمون" كان آخر لقاءه معها حينما  
 تركته في الحديقة وصعدت إلى غرفتها.

## كشفاثل

أما باقى الأحدث من كلامه عن المملكة والجن السفلى ونقلها للبحر وكل ذلك كان مجرد حلم ولكنها كانت تشعر أنها بالفعل رأته كل ذلك بل شعرت أيضاً بميمون وهو يقبلها فى أثناء نومها وأنه كان يتحدث إليها. أمسكت برأسها مرة أخرى وقالت:

- وبعدين بقى فى كل اللي بيحصلى ده.. أنا اتجنت خلاص... معقول ممكن حاجة زي دي تبقى حقيقة... معقول قصص عشق الجن والمس دا بجد... يعنى أنا بعشق جنى... بسم الله الرحمن الرحيم... طيب لما كنت بشوفه فى الحلم دائماً... وقمر دي مين؟ باين كله فعلاً حقيقة.. أعمل إيه يا ربى؟ أنا بحب ميمون أوى... ومش هقدر أبعد عنه... أعمل إيبىبيه؟؟؟

وبكت حور بشدة ودخلت عليها والدتها حتى تحضر لها الإفطار. الأم: حور... إننى صحيتى... إيه ده!!! بتعيطى ليه يا حبيبتى؟؟ ما لك بس؟؟؟

حور: ماما... أنا تعبانة أوى يا ماما... أنا يظهر اتجنتت. سكتت والدتها للحظات ثم قالت:

- اهدي يا حبيبتى... احكيلى إيه اللي بيحصل معاكى.. أنا أمك حبيبتك... ما تخبّيش حاجة عني يمكن أقدر أساعدك.. حور: وهتصدقينى!!

الأم: طبعاً يا قلبى هصدقك... احكيلى بس كل حاجة ونشوف هنعمل إيه.

جلست والدتها بجوارها وظلت حور تحكي لها كل ما حدث معها منذ كانت صغيرة في السن حتى ليلة أمس وما قاله ميمون.

بكت الأم بشدة وظلت تردد آيات القرآن الكريم بصوت عال وهي تبكي، وضمت حور إلى صدرها... ثم قالت:

- ما تخافيش يا قلب أمك... ما فيش حاجة... دي مجرد أوهام وهتروح لحالها.. أنا عايزاكي بس تقومي تصلي كدا وتسمعي قرآن كثير لحد ما نشوف هنتصرف ازاي.

حور: أيوه بس يا ماما... أنا بحبه أوي أوي.... مش هقدر أبعد عنه... بحبه يا ماما.

بكت حور في أحضان أمها مرة أخرى وكانت الأم ترتجف ولا تنطق شفتاها بغير آيات القرآن الكريم.

خرجت والدتها من غرفتها بعد أن أدارت المسجل على القرآن الكريم وذهبت إلى والدها وهي ترتجف وتبكي وقالت:

- الحَق بنتك.

فزع والدها ثم قال:

- ما لها.. جرالها إيه؟

الأم: بنتك بتعشق جني.

الأب: إنتي اتجننتي.... بتقولي إيببييه؟!!!

حكّت له ما قالت حور وجلس الأب وهو لا يقوى على النطق بكلمة واحدة؛ فقد أصابته صدمة شديدة مما سمعه.

## مملكة الجحيم



هنا أسفل الأرض في مملكة الجن السفلي وفي القاعة التي يجلس بها  
كشفاثل وبجواره ابنه الملوم.. دخل عليهما فجأة خادم وكان يمشي ببطء  
وكان مترددًا في الكلام ثم قال:

- يا سيدنا في حاجة مهمة لازم تعرفها.

انتبه كشفاثل له وقال:

- اتكلم... حصل إيه؟

الخادم: إمبراح وأنا ماشي بالليل على سطح الأرض شوفت.....  
صاح كشفاثل بشدة:

- شوووووفت إيببييه؟؟ خلصني واتكلم.

رجع الخادم إلى الورااء قليلاً من الخوف وقال:

- شوفت ميمون والبنـت اللي كان بيحـبها معاها.

نهض كشفاثل من على كرسيه في غضب وقال:

- إنت بتقول إيه؟... أكيد إنت غلطان... ميمون منفي في السجن

والبنـت أنا قتلتها قدامكم من سنين... هترجع تاني للحياة ازاي...!!! إنت

بتستهزأ بيا... عايز تموت ولا إيه؟

صرخ الخادم:

- مقدرش يا سيدنا... صدقني دا اللي شوفته ولازم تروح زنزانة ميمون

وتأكد بنفسك.

ذهب كشفاثل مسرعًا إلى السجن ومعه ابنه الملوم وبعض الخدم

أتباعه وحينما وصل ارتبك بشدة حارس الزنزانة وكان يرتجف.

ثم صاح فيه كشفاييل:

- افتح زنزانة ميمون.

فتح الخادم الزنزانة وهو متردد ويرتجف بشدة وكان الجني الذي يحل محل ميمون نائمًا فنظر كشفاييل إلى الخادم الذي بلغه بهروب ميمون نظرة غضب وصاح في الآخر الذي ينام:

- قوووووم يا ميمون.

انتفض الجني من مكانه ووقف وهو مفزوع وكاد ينهار من الخوف. كشفاييل: معقول؟! إنت رجعت لشكلك الأصلي أخيرًا... يظهر إن السجن غير فيك حاجات كتير.

اكتفى الجني بهز رأسه فكان يخشى أن يتكلم ويُفصح أمره.

نظر كشفاييل للخادم الآخر وقال في غضب:

- إنت بتكذب عليا أنا وتستهزأ بيا..؟! أنا هوريك إزاي تعمل كدا معايا... إنت نسيت كمان إن ميمون كان بياخد شكل إنسي دايمًا؟ يعني ممكن اللي شوفته دا مجرد إنسان شبه هيئة ميمون مش أكثر... أنا هخليك عبرة.

ثم استدار كشفاييل ليرحل هو ومن معه فتنفس الخادم الصعداء لأن الحيلة انطلت على كشفاييل.

وبعد أن تحرك بعيدًا عن الزنزانة بخطوات أمسك ملموم بيد والده وأوقفه للحظة قائلاً:

- هو مش راضي يتكلم ليه؟؟؟ مش غريبة؟؟ استنى بس نتأكد من حاجة. وبعدين ميمون كان بيرفض هيئتنا طول الوقت، اشمعنى دلوقتي!!

عاد ملموم إلى الزنزانه ورمى على الجني شيئاً ما كالسائل في وجهه...  
وفجأة ظهرت هيئة الجني الحقيقية وعندها أدرك كشفاييل أن هناك  
خدعة قد قاما بممارستها عليه.

جن جنون كشفاييل وصاح في غضب:

- هاتوووووووهم.

أمسك الخدم بالجني والخدم الذي ساعد "ميمون".

قال ملموم: تؤمر بيايه؟ ندبحهم ونعلقهم قدام باب المملكة؟

كشفاييل: لاااااااااا...أنا لازم أدبحهم قدام عينه هما وحبيبته اللي مش

فاهم لحد دلوقتي هي ظهرت تاني ازاي. إنسية وترجع تاني للحياة إزاااااى...؟

أنا بقى هوريه ازاي يخدعنى.

أمر كشفاييل الخدم أن يحضروا له "ميمون" وحبيبته بأي شكل من

الأشكال على أن يقوموا بتسليمهما له اليوم.

خرج أتباع كشفاييل إلى سطح الأرض ليقوموا بتنفيذ مهمتهم وإحضار

ميمون وحبيبته إلى المملكة السفلية...

## كشفاًئيل

ميمون قد عزم أمره على عدم رؤية حور مرة أخرى، وحور تجلس في بيتها حزينة وتفكر في كل ما يحدث لها وشدة تعلقها بذلك الوسيم ميمون. كانت والدتها شديدة الانشغال عليها وتراقبها طول الوقت ولكن كانت تجدها هادئة لا تصدر أي تصرف غير طبيعي.

حور تجلس أغلب الوقت في حديقة منزلها منتظرة الليل ليأتي سريعاً حتى تستطيع أن تضع حداً لكل علامات الاستفهام التي بداخلها وكانت أيضاً متشوقة لرؤية حبيب قلبها بفارغ الصبر.

حدثت كثيراً نفسها: "هو فعلاً ميمون من الجن السفلي؟؟ يعني أنا بحب جنى... طيب هكمل معاه ازاى باقي عمري ويا ترى هبقى زي المجانين المسوسين اللي بيمشوا يكلموا نفسهم وشكلهم بيتغير وبيعملوا حاجات خارجة عن إرادتهم... طيب مين قمر..؟ وإيه علاقتها بيا...؟ أنا لازم أعرف كل حاجة... يا ترى إنت فين يا ميمون؟؟؟"

وأخذت تبكي وتقول بصوت يعتصره الحنين: "حبيبي رجعي ليك.. أو رجع ليا نفسي... لكن ما تسيبنيش في نص الطريق... مش فاهمة أعمل إيه... استحالة تكون جن سفلى.. أنا عمري ما صادفت حد بيحمل كل السلام والحنان دا اللي بشوفه في عيونك كل ما بتبصلى.

كانت والدتها تحضر الطعام وكانت تعد فنجانا من القهوة لزوجها... ثم تركت القهوة على النار وخرجت لتتحدث إليه...

الأم: كنت عايزة أقولك على حاجة كدا شكيت فيها.

الأب: خير يا أم حور!!! قولى.





جلست على الأرض ضامة ركبتيها إلى صدرها وكأنها تخاف بشدة من شيء ما. نعم... إنها تخاف الوحدة... تخاف الحرمان من العطف والحنان... تخاف من فقدان الأمان ... تخاف من الظلام الذي سوف تعيش فيه من بعد رحيل كل ما لديها وكل أحببتها... تركتها أمها الحنون.. وودعت الحزن الذي طالما شعرت بداخله بالراحة... ودعت أباه الذي طالما شعرت أنها أميرة متوجة.. قوية.. مدللة... بفضل هذا الأب الذي لم يرفض لها طلبا منذ أن ولدت... ودعت أيضًا حبيبها "ميمون"... الذي لم يشعر بها وهي تتألم وتخلي عنها وتركها وحيدة... تموت موتًا بطيئًا... بل الموت أهون عندها مما تشعر به الآن.

ولكن من قال بأن حبيبها "ميمون" لا يشعر بها...

## قصر الجن



ميمون كان في غرفته نائمًا وإذا به يفيق من نومه على صوت صرخة وصلت إلى آذانه وعلم أنها حور وعلم أن شيئًا ما يحدث معها.

نهض ميمون مسرعًا متجهًا إلى الخارج ولكن وقف أمامه مجموعة من الحرس الذين قاموا بتقييده وأخذ يصرخ ويتوسل إليهم بأن يتركوه ولكنهم اعتذروا له قائلين بأن تلك هي أوامر جده محرز بالألا يخرج من المملكة مهما حدث فطلب منهم أن يأخذوه إلى جده وبكى أمامه قائلاً:

- حور يا جدي... حور حصل معاها حاجة... أنا حسيت بيها بتصرخ وبتعيط جامد... أنا حسيت بوجع في قلبها... أرجوك يا جدي أنا ما ينفعش أسيبها لوحدها كده... مش هينفع أتخلي عنها وهي في اشد احتياجها ليا... أرجوووك يا جدي.

محرز: صعب يا ميمون... بس اللي أقدر أعمله إني أبعثها الحرس بتوعنا يشوفوا في إيه ويساعدوها من بعيد لبعيد ويظمنوك... ودا آخر كلام.

بكي ميمون فكان في تلك اللحظة يتمنى أن يكون هو أول شخص بجانب حبيبته ويحميها بين أحضانها ولكن سلبت إرادته، وقيدت حريته ليبتعد عنها رغمًا عنه.

ذهب الحرس بأمر من محرز ليتفقدوا حال حور.

## كشفايل

حور في المقابر تقف مع بعض الجيران قليلي العدد جدًّا يقومون بدفن والدها ووالدتها أمام عينيها فكانا هما لها كل أهلها فقد رحل بقية الأهل لبلد آخر من قبل ولادتها وطيلة حياتها لم تعرف أحدًا منهم. كانت حور تبكي وأصبحت قواها ضعيفة تمامًا ثم أمسكها أحد الجيران هو وزوجته محاولين مواساتها وأخذها إلى سيارتهما لتجلس معهما في منزلهما.... لكنها رفضت تمامًا.. وقالت إنها لن تترك منزل والديها وسوف تنام بين أحضانها كل يوم وقالت بإصرار بأن كل ذلك مجرد كابوس وسوف تفيق منه لتجد والدتها تدخل عليها الغرفة وفي يديها الإفطار وتنادي عليها بحنان كالعادة: "حبيبة قلب ماما القمر... قومي يلا علشان تفطري يا حور".

أخذت تردد عدة جمل كان أبوها يردد لها دائمًا وكانت أمها تدلها بها وتبكي بشدة بعدها.

لم يكن الجيران مهتمين بأمرها كثيرًا فبعد أن عرضوا مساعدتهم لها وما إن رفضت حتى تركوها وحدها لتقابل مصيرها وتعيش مع وحدتها في ذلك المنزل المتفحم الذي بات الآن يحمل كل ذكرى أليمة.

كان المنزل لا يصلح بأن يعيش فيه أي مخلوق بعد الحريق الهائل الذي نشب فيه..

وقفت حور في الحديقة تنظر إليه وحتى تلك اللحظة تحاول إقناع نفسها أن كل ما يحدث حلم.

دخلت المنزل وكله قد صبغ باللون الأسود.





إنتي يا حور وهضحي بحياتي علشانك مهما حصل.. أنا هفديكي بنفسى  
حبيبتى.

محرز: ميمون.. إنت فاهم إننا مهمتنا تخلص لحد ما نسلمك المخدر  
والتعويذة.. الباقي لازم تعمله لوحدك لأننا صعب ندخل مملكتهم.. خليك  
عارف إن باقى الأتباع ضعفاء من غير كشفاييل.. يعنى ممكن تتحكم فيهم  
بسهولة... ميمون.. أنا هستناك.. لازم ترجعلي تانى.

## الجن السفلي





## كشفاييل

جلست حور في قفصها تبكي وإذا بصوت يأتي من خلفها ويقول:  
- ما تخافيش يا حور... أنا هنا جنبك... هطلعك من هنا...  
وبينما تحاول أن تلتفت لمصدر الصوت إذ به يقول بحدة:  
- إوعي تلفي... خليكي زي مانتي... علشان ما تلفتيش انتباه حد منهم.  
فجلست حور في مكانها كما كانت.  
لقد جاء ميمون متخفياً في هيئة جني منهم حتى لا يعرفه أحد ومعه  
المخدر والتعويذة التي سيقضي بها على مملكة الجن السفلي.  
انتظر ميمون ليهداً المكان قليلاً وذهب إلى قارورات الخمر التي يشرب  
منها كشفاييل وسحبها دون أن يشعر به أحد ثم أفرغ بداخلها كل زجاجة  
المخدر.  
حور بالطبع لا تراه لأنها تعتقد أنه جاء بهيئته الحقيقية كما اعتادت.  
وضع ميمون الزجاجة في مكانها وانتظر قليلاً إلى أن أمر كشفاييل أحد  
الخدم بملء كأسه من جديد... وذهب الخادم لإحضار القارورة ولكنه  
أمسك بواحدة أخرى مما جعل ميمون يتوتر بشدة... وبحركة خفيفة قيده  
ميمون دون أن يشعر أحد وجلسه بداخل غرفة واتخذ هيئته حتى يقدم  
هو بنفسه الشراب لكشفاييل.  
ملأ ميمون الكأس عن آخرها وذهب بها إلى كشفاييل الذي كان يقف  
بجانبه ابنه ملوم وقدم الكأس له في ترقب وحذر شديد.  
أمسك كشفاييل بالكأس دون أن ينظر لميمون وشربه حتى آخره..  
ظل ميمون مترقباً للحظات ليرى ما سيحدث.  
وفجأة بدا على كشفاييل عدم الاتزان كان يغلق عينيه ويفتحهما عدة



## كشفاثل

أمسكها ميمون بين أحضانه بشدة وأخذ يطمئنها:  
- ما تخافيش يا حبيبتي.. خلاص إنتي في أمان، سامحيني على كل أذى  
اتسببتلك فيه.. وأوعدك ما فيش حاجة تانية هتحصلك.  
صاح ميمون وأشار إلى الخادم الذي قام بمساعدته أن يأتي إليه ثم  
قال: يا معشر الجن السفلي أنا ميمون ملك الجن بأمر بتعيين هذا الخادم  
نائب عني في حكم المملكة في غيابي وبأمر الجميع بإطاعة أوامره وعلى من  
يخالفها الذبح أو النفي للأبد.

فرح الخادم بشدة ثم قال له ميمون:

- أنا هغيب عن المملكة وقت طويل.. هسيبك إنت الحكم وعارف  
ومتأكد إنك مش هتكون ظالم زي كشفاثل وهكون متابعك من بعيد، ولو  
لقيتك بتعمل أي حاجة غلط إنت فاهم كويس ممكن أعمل فيك إيه.  
الخادم: سمعاً وطاعة يا سيدنا.

خرج ميمون من المملكة وقام برش التعويذة حولها ليسلسل كل من  
بها حتى لا يقومون بإيذاء أي من البشر.

أخذ ميمون حور وعاد بها إلى القصر الذي كان يعيش فيه هو وقمر.

حور: إحنا فين؟؟؟

ميمون: في القصر بتاعى..

حور: عند الجن تالالالالاني.

ميمون: ههههههههههههه لا إنتي على الأرض، عادي يا قلبي.. ما تخافيش.

حور: مين قمر؟؟؟

ميمون: هفهمك كل حاجة.

قص عليها ميمون كل حكايته مع قمر ووضح لها أنه من الجن العلوي ولن يعود مرة أخرى لهؤلاء الشياطين.

بكت حور من أجل ما حدث مع قمر ومع والدته ومن أجل سجنه هو كل تلك السنين بوجعه.

حور: ميمون أنا مش باقيلي غيرك.

ميمون: حور، صعب أكمل معاكى.. هتبقى منبوذة من الناس وهيقولوا عليكى مجنونة لأن صعب حد يشوفني غيرك وأنا أخذت وعد بيني وبين نفسي إني أحميكي حتى ولو مني.

حور: إنت بتقول إيه؟؟ إنت جابيني هنا علشان تسيبنى!!

ميمون: هنا هكون مطمئن عليكى وبيتك صعب خلاص تعيشي فيه.. وكل حاجة هتحتاجها هتلاقها موجودة في لمح البصر.. ووقت ما أوحشك غمضي عيونك هتلاقيني معاكى في أحلامك.

حور: لااااااااا.. أنا عايزاك إنت... إوعى تبعد عني يا ميمون... أرجووووووك.

عانقها ميمون وقبلها بشدة وفجأة اختفى من أمامها.

صرخت حور: ميمووووووون... ما تبعدش يا ميمون.. هموت من غيرك.. هموووووت.

ذهب ميمون إلى جده محرز الذي كان في قمة فخره وسعادته بحفيده القوي الذي قتل ملك الجن السفلي، ولكن ميمون جلس بجواره حزيناً تملؤ عينيه الدموع.

## كشفايل

محرز: ما لك يا ميمون؟؟ المفروض تكون سعيد جداً لأنك حققت انتقامك.

ميمون: للأسف يا جدي سعادتي ما كملتش... أنا اضطريت أسيب حور لوحدها علشان مش هتحمل أضرها أكثر من كده.

محرز: عين العقل يابني.. زي ما فهمتك الإنسان مهما حصل استحالة يتقبل فكرة جواز الجان منهم وأي شخص بيحصل معاه كدا بيعتبروه مجنون وممكن يعملوا فيه حاجة... وبعدين فراقكوا أمر محتوم.. أعمار الإنس غيرنا يا ميمون وهتعدي السنين ولأزم حور تموت.. ووقتها هتكون متعلق بيها أكثر ومش هتقدر تعمل علشانها حاجة.

فزع ميمون مما قاله جده برغم أنه على علم بذلك الأمر ولكنه لم يفكر فيه قط.

ميمون: جدي... أنا مش هقدر أشوف اليوم ده، وبعدها عني واجعني وحور دلوقتي ملهأش حد غيري يعني هتعيش لوحدها باقي عمرها.. ساعدني يا جدي واعمل أي حاجة أقدر أكون فيها جنبها... أرجوك يا جدي لو بتحبني بجد.

نكس محرز رأسه للأسفل قليلاً وهو يفكر ثم رفعها وقال في حزن:  
- ميمون، في طريقة واحدة تقدر تعيش فيها مع حور من غير ما تضرها.  
ميمون في سعادة وشغف: إيه هي يا جدي قولي بسرعة!!  
محرز: إني أحولك لكل صفات الإنس ويبقى عمرك زهيم وأي حد يقدر يشوفك من البني آدمين.

ميمون: وأنا مستعد يا جدى... أنا بتخلى عن كل قوة عندي وبتخلى  
عن عمري علشان أكون معاها.

محرز: وأنا يا ميمون.. هتحرم منك؟ أنا ما صدقت لقيتك يابنى.  
ميمون: يا جدي إنت تقدر تشوفني في أي وقت أما بالنسبة لفكرة موتي  
فكر فيها بشكل تاني:

( العبرة مش في إني هميش كام سنة... العبرة في إني عيشت كام سنة سعيير )

محرز: عندك حق يابنى يفيد بإيه العمر الطويل وإنت عايشه بتتعذب  
وموجوع.

حور تجلس في غرفتها وتتذكر الأيام التي كانت تعيش فيها مع أمها وأبيها  
في سعادة وأخذت تبكي من شدة اشتياقها لهما ومن شعورها بالوحدة ثم  
رجعت على الوسادة وأغمضت عينها وهي تبكي وتفكر في ميمون كما قال  
لها....

وجدت يدا تمسح دموعها برفق من على خدها وشعرت بنفس يقترب  
من فمها ليقبلها.

ابتسمت حور وأدركت أنها تحلم الآن بحبيبها ميمون.

- ( أنا مش هبعد عنك تالالالالاني يا روح قلبي )

فتحت حور عينها لتجد "ميمون" أمامها بابتسامته الساحرة يحيطها  
بذراعه وهي نائمة وكان جلده غريبا تدب فيه الحياة مثلها تمامًا.

حور: قول إني مش بحلم...



التعريف بالكتاب

- رواية بقلم الكاتبة / سارة خميس.
  - مواليد ٨١.
  - خريجة ليسانس حقوق جامعة الإسكندرية.
  - محررة صحفية بجريدة الرأي العام المصري، وميدان الحياة وميدان الرياضة..
  - من إصداراتها
  - رواية الصدمة.
  - معصوبة العينين.
  - غضب الحلیم.
  - الهوية (باي بولار).
  - ليلة سقوط العنتيل
  - قاتل زهرة الياسمين
  - لإبداء رأيك والتواصل مع الكاتبة:
- لينك البیدج: <http://www.facebook.com/sarakhamisCom>
- لينك الأكونت الشخصي:

<http://www.facebook.com/parfumde.roses.31>